

**ОРХОН АЙМГИЙН ИТХ-ЫН СОНГУУЛЬД БИЕ ДААН НЭР ДЭВШИГЧ
ХАЛТАР ОВОГТОЙ БАТ-ОЧИРЫН СОНГУУЛИЙН
МӨРИЙН ХӨТӨЛБӨР**




Сонгуулийн уриа: Эрдэнэтчүүд бид эхлүүлж чадна.

Энэхүү мөрийн хөтөлбөр нь Аймаг, нийслэл, сум, дүүргийн иргэдийн төлөөлөгчдийн хурлын сонгуулийн тухай хууль болон бусад эрх зүйн актуудын хүрээнд боловсруулагдсан ба хэрвээ ИТХ-д сонгогдсон тохиолдолд төлөөлөгчийн хувьд Эрдэнэт хотын хэмжээнд хийж хэрэгжүүлэх зорилтот ажлууд мөн тухайн нэр дэвшигчийн нэр дэвших баг дээр хийж хэрэгжүүлэх, шийдвэрлэх зорилтуудыг үндсэн 2 хэсэг болгон танилцуулж байна.

1-р хэсэг: Эрдэнэт хотын хэмжээнд хийж хэрэгжүүлэх ажлууд.

- 1.1. Эрдэнэт хотын иргэд байгалийн баялагтаа эзэн байх, үр шимийг нь хүртдэг байх талаар Эрдэнэт хотоос УИХ-д сонгогдсон гишүүдтэй хамтран ажиллаж, эрх зүйн орчинг нь бүрдүүлнэ.
- 1.2. Цар тахалын улмаас эдийн засгийн хямралтай байгаа нөхцөлд аймгийн иргэдийн ажлын байрыг хадгалж үлдэхэд шаардлагатай арга хэмжээ авах бүх талаар жижиг дунд бизнес эрхлэгчдийг дэмжиж ажлын байр шинээр бий болгоход онцгой анхаарна.
- 1.3. Эрдэнэт хотын иргэдийн амьжиргааг дэмжих, бага орлоготой иргэдэд чиглэсэн тусгай хөтөлбөр ямар нэгэн ажилд идэвхитэй дэмжлэгэ үзүүлэх ба өөрсдийнх нь оролцоог хангана.
- 1.4. Жижиг дунд үйлдвэр, үйлчилгээг олноор бий болгож энэ чиглэлийн ЖДҮ сан болон бусад дэмжлэгийн сангуудын үйл ажиллагааг ил тод хүртээмжтэй байхад анхаарч дэмжиж ажиллаж ажлын байр нэмэгдүүлэх гол эх үүсвэр болгоно.
- 1.5. “Эрдэнэт үйлдвэр” ТӨҮГ-тай Эрдэнэт хотын ИТХ, ЗДТГ-ын зүгээс хамтран ажиллах гэрээг шинэчлэн боловсруулж гадаад улсаас импортоор авдаг бараа бүтээгдэхүүнийг Эрдэнэт хотдоо үйлдвэрлэж байгаа хувь хүн, аж ахуйн нэгжүүдийг бүрэн дүүрэн дэмжиж ажиллах эрх зүйн орчинг бүрдүүлж хэрэгжүүлнэ.
- 1.6. Эрдэнэт хотын захиргаа, “Эрдэнэт үйлдвэр” ТӨҮГ-ын хамтын ажиллагааны гэрээний хүрээнд байгаль орчны бохирдол хүн, амьтны эрүүл мэндэд сөргөөр нөлөөлж буй асуудлууд, гол ус, хөрсний бохирдол, Цагаан тоосныг арилгах тал дээр онцгой анхаарч ажиллана.
- 1.7. Хотын хүн ам өсөн нэмэгдэж буйтай холбогдуулан сургууль, цэцэрлэгийн хангалт хүртээмжийг нэмэгдүүлэх тал дээр үе шаттай бодлого боловсруулж хэрэгжүүлнэ.
- 1.8. Бүсийн оношлогоо эмчилгээний төв, үзлэг оншилгооны Медипас, хувийн хэвшлийн эмнэлэгүүдийн ажиллах нөхцлийг сайжруулах, зайлшгүй шаардлагатай техник, тоног төхөөрөмжөөр хангах, эмч эмнэлэгийн ажилтнуудыг давтан сургах, эрүүл мэндийн үйлчилгээг иргэд саадгүй түргэн шуурхай авч байх тал дээр анхаарч ажиллана.
- 1.9. Өрхийн эрүүл мэндийн төвүүдийг зориулалтын байр, техник, тоног төхөөрөмжтэй болгоход онцгой анхаарч үе шаттай шийдвэрлүүлэх зорилт тавина.
- 1.10. Хашаа байшин гэртэй хороололд амьдарч буй иргэдэд агаар хөрсний бохирдлыг арилгах тав тухтай амьдрах нөхцлийг бүрдүүлэх зорилгоор цэвэр, бохирын



- шугам, халаалтын асуудлыг шийдвэрлэх чиглэлээр холбогдох яамд, олон улсын банк санхүүгийн байгууллагуудыг татан оролцуулахад анхаарал тавина.
- 1.11. Орон сууцны хорооллуудын авто зам, зогсоол, явган замыг өргөтгөж, зохион байгуулалтыг сайжруулж, нэвтрүүлэх чадавхийг дээшлүүлэх, Гэр хорооллын асфальтан болон сайжруулсан авто болон явган замыг үе шаттайгаар нэмэгдүүлэхэд иргэдийн хурлын анхааралд оруулна.
 - 1.12. Хотын төв болон бусад хэсэгт дугуйн замтай болох ажлыг эхлүүлж мэргэжлийн байгууллагаар зураг төсөл хийлгэж, дугуйчдын холбоотой хамтарч холбогдох судалгааг хийлгэж ажлыг засаг даргын мөрийн хөтөлбөрт оруулна.
 - 1.13. Нийтийн тээврийн үйлчилгээний менежментийг сайжруулж, тээвэрлэх хүчин чадлыг нэмэгдүүлэх тал дээр анхаарна. Хот хоорондын зорчигч тээврийн Авто вокзалтай болох асуудлыг холбогдох байгууллагад тавьж хэрэгжүүлнэ.
 - 1.14. Мэргэжлийн болон нийтийн биеийн тамир, спортыг дэмжих хүрээнд үйл ажиллагаа явуулж буй клубүүд, спортын холбоодын ажлыг бодлогоор дэмжиж ажиллана.
 - 1.15. Хүүхэд багачууд чөлөөт цагаа өнгөрөөх, чийрэгжүүлэх тоглоомын талбайг хотын төвийн болон гэр хорооллын багуудаар үргэлжлүүлэн хийх ажлыг засаг даргын мөрийн хөтөлбөрт оруулна.
 - 1.16. ДЦС-ын өргөтгөл хийгдэж, Хотын Цэвэрлэх байгууламжийн хүчин чадал нэмэгдэж байгаатай холбогдуулан хотын хуучирсан инженерийн шугам сүлжээг үе шаттай солих ажлыг дэмжиж ажиллана.
 - 1.17. Эрдэнэт хот Эрдэнэт үйлдвэрийг барьж байгуулсан Илгээлтийн эзэд, Анхдагчид руу хандсан бодлогыг шинэчлэн хэрэгжүүлнэ.
 - 1.18. Ахмад, Эмэгтэйчүүд, Залуучууд, Хүүхдүүд рүү хандсан нийгмийн хаилцааг зохицуулах, дэмжсэн дэд хөтөлбөрүүд боловсруулан хэрэгжүүлнэ. Өндөр настан, харж хандах хүнгүй иргэд, хөгжлийн бэрхшээлтэй иргэд рүү хандсан нийгмийн дэмжлэгийг чирэгдэлгүй хүргэх тал дээр онцгойлон анхаарч ажиллана.
 - 1.19. Орон нутгийн дотоод зах зээлээ хамгаалах, хүнс, бараа бүтээгдэхүүний аюулгүй байдалд онцгой анхаарч эрх зүйн бодлого боловсруулж хэрэгжүүлнэ.
 - 1.20. Эрдэнэт хотыг үер усны болзошгүй аюулаас хамгаалах үерийн хамгаалалтын далан барих асуудалд онцгой анхаарч дэмжиж ажиллана.
 - 1.21. Хотын иргэдийн аюулгүй байдалд анхаарч камержуулалтын системийг төгөлдөржүүлэх, хууль сахиулах онцгой чиг үүрэг бүхий байгууллагуудыг шаардлагатай техник хэрэгслээр дэмжиж, бэлэн байдлыг хангуулахад хамтран ажиллана.
 - 1.22. Орхон аймаг нь Эрдэнэт хот болж байгаатай уялдуулан Хотын соёлыг түгээх, шинэ цаг үеийн хотын иргэд, хотын залуус байх аливаа уриалгыг нийгэмд түгээж, ажиллах сайн санал, санаачлагыг дэмжиж хамтран ажиллана.
 - 1.23. ОХУ болон бусад орны хот байгуулалт, инженерийн шугам сүлжээ, ногоон байгууламж, зам гарц уулзвар, гүүр туннелэн байгууламж байгуулах ажлыг холбогдох засаг захиргааны нэгжээр судлуулж өөрийн хотдоо хэрэгжүүлэх иргэдийг цэвэр тохьтой амьдрах нөхцлийг бий болгох чиглэлээр ажиллана.

2-р хэсэ-р хэсэг: Багийн хэмжээнд хийж хэрэгжүүлэх ажлууд.

2.1 Зам талбай орон сууцны орчмын мод сөөг ногоон цэцэрлэг нэмэгдүүлэх чиглэлд онцгой анхаарч ажиллах ба хашаа байшин, гэр хорооллын мод тарих цэцэрлэгжүүлэх ажилд онцгой анхаарч оршин суугч иргэдтэй хамтарч ажиллана.

- 2.2. Орон сууцнуудын хуучирч муудсан инженерийн шугам сүлжээг үе шаттай засварлах, солих СӨХ, иргэдээс ирсэн санал зөвлөмжийг дэмжиж ажиллана.
- 2.3. Орон сууцны байрнуудын дээвэр, заадсын засвар, халаалт дулаан алдагдлыг чанартай, түргэн шуурхай, баталгаатай гүйцэтгэдэг байх Оршин суугчид өөрсдөө хяналт тавьдаг зохицуулалтыг хангана.
- 2.4. Орон сууцны байрны гаднах хүүхдийн тоглоомын талбайн ашиглалтыг сайжруулах, засаж янзлах, үе шаттай нэмэгдүүлэхэд анхаарна.
- 2.5. Байр хоорондын авто замын нэвтрүүлэх чадавхийг нэмэгдүүлж, өргөтгөх, авто зогсоолын хүртээмжийг нэмэгдүүлэх, явган замыг сайжруулах, үерийн ус зайлуулах шугмын ажлыг хийх асуудлыг иргэдийн хуралд дэвшүүлэнэ.
- 2.6. Багийн иргэдэд үйлчилгээ үзүүлдэг багийн ЗД-ын ажлын алба, Цагдаагийн хэсэг, Өрхийн эмнэлэгийн ажиллах нөхцлийг сайжруулж, иргэдэд төрийн үйлчилгээг хүнд сурталгүй түргэн шуурхай хүргэдэг зохицуулалтыг бий болгоно.
- 2.7. Багийн хэмжээнд ахмад настны хөгжлийн төв, залуусын чөлөөт цагийн төв, нийтийн биеийн тамир спортыг хөгжүүлэх төв, эцэг эхчүүд гэр бүлд зориулсан төв байгуулах зэрэг аливаа үүсгэл санаачлагыг дэмжиж ажиллана.
- 2.8. Багийн нутаг дэвсгэрт үйл ажиллагаа явуулж буй хувийн хэвшлийн үйлдвэрлэл, үйлчилгээ үзүүлж буй байгууллагуудтай нягт уялдаатай ажиллаж бодлогоор дэмжинэ.
- 2.9. Багийн харьяалал бүхий ажил хөдөлмөр идэвхитэй хайж байгаа иргэдэд туслах зорилго бүхий Хөдөлмөрийн бирж ажиллуулах ажлыг санаачлана.
- 2.10. Багийн нутаг дэвсгэрт буй ногоон байгуул. амжийг арчилж тордох, цаашид үе шаттай нэмэгдүүлж, багийн иргэд өөрсдөө оролцож тарьж ургуулдаг боложийг нээж өгнө.
- 2.11. Багийн нутаг дэвсгэр дэхь сургууль цэцэрлэгийн хүртээмжийг нэмэгдүүлэх тал дээр байнга анхаарч ажиллана.
- 2.12. Ахмад настан, харж хандах хүнгүй иргэд, хөгжлийн бэрхшээлтэй иргэдэд хандуулах нийгмийн бүхий л дэмжлэгийг чирэгдэлгүй хүргэх ажилд онцгой анхаарна.
- 2.13. Багын нутаг дэвсгэрт байгаа түүх соёлын холбоотой хөшөө дурсгал, самбар дурсгалт эд зүйлсийг харж хамгаалах, сэргээж засварлах, шинээр хийж бүтээх ажилд онцгой анхаарал тавина.

Мөрийн хөтөлбөрийг боловсруулсан

2020.07.21

Х.Бат-Очир

